



## GRADONAČELNIK

Broj: 07-1089/26

Datum: 18.05.2026.godine

Gradonačelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), Budžeta Grada Srebrenik za 2026.godinu („Sužbeni glasnik grada Srebrenik“, broj: 1/26), članova 37. i 139. Statuta Grada Srebrenik ("Službeni glasnik Grada Srebrenik", broj: 1/24), člana 33. stav (1), (3) i (4) te člana 34. Pravilnika o javnim nabavkama Grada Srebrenik ("Službeni glasnik Grada Srebrenik", broj: 7/25), a na preporuku Komisije za javnu nabavku (dalje: Komisija) po Zapisniku o pregledu i ocjeni ponuda (dalje: Zapisnik) broj: 07-1089/26 od 15.05.2026. godine za javnu nabavku robe: „Nabavka i instalacija parking rampe“, d o n o s i:

## ODLUKU O IZBORU PONUĐAČA

### I

Prihvata se preporuka Komisije, po Zapisniku broj: 07-1089/26 od 15.05.2026. godine te se Ugovor za **javnu nabavku robe: „Nabavka i instalacija parking rampe“** u ukupnom iznosu od **99.177,00 KM (cijena bez uračunatog PDV-a)**, odnosno u iznosu od **116.037,09 KM (cijena sa uračunatim PDV-om)** dodjeljuje ponuđaču **“ARGON SISTEMI“ d.o.o. Sarajevo**, u skladu sa ponudom broj: PND-070526-001 od 07.05.2026. godine.

### II

Ova odluka objavit će se na web-stranici [www.srebrenik.ba](http://www.srebrenik.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

## OBRASLOŽENJE

Odlukom o pokretanju postupka za javnu nabavku robe: „Nabavka i instalacija parking rampe“, broj: 07-1089/26 od 22.04.2026. godine, pokrenut je postupak nabavke predmetne





robe. Javna nabavka je provedena putem otvorenog postupka, a kriterij za dodjelu ugovora je najniža cijena.

Ukupna procijenjena vrijednost nabavke iznosi 99.177,00 KM (bez PDV-ea).

Obavještenje o nabavci predmetne robe objavljeno je na Portalu javnih nabavki dana 23.04.2026. godine pod brojem: 761-1-1-43-3-79/26 i sažetak obavještenja o nabavci, objavljen u „Službenom glasniku BiH“ broj: 31/26 dana 05.05.2026. godine. Tenderska dokumentacija objavljena je zajedno sa navedenim obavještenjem.

U krajnjem roku za dostavu ponuda, dostavljene su ponude sljedećih ponuđača:

1. „ARGON SISTEMI“ d.o.o. Sarajevo, broj ponude: PND-070526-001 od 07.05.2026. godine u iznosu od 99.177,00 KM (cijena bez PDV-a)
2. „PRODOOR“ d.o.o. Sarajevo, broj ponude: 167/26 od 11.05.2026. godine u iznosu od 99.160,00 KM (cijena bez PDV-a)

Uvidom u dostavljenu ponudu ponuđača „PRODOOR“ d.o.o. Sarajevo Komisija je konstatovala da u specifikaciji robe (str. 13 Ponude) ponuđač nije upisao jediničnu cijenu ni ukupnu cijenu za stavku 11. Ostalo - Transport, montaža, Kofiguracija, puštanje sistema u rad i obuka osoblja za pravilno korištenje sistema. Navedeno nije u skladu sa tačkom 6.6. Obrazac za cijenu ponude iz Priloga III čiji je sastavni dio i Specifikacija robe i to: „Ponuđači su dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbacena“, te sa članom 17. stav (5) Upustva za pripremu modela tenderske dokumentacije i ponuda („Službeni glasnik BiH“ broj: 20/15) i to: „Jedinična cijena stavke se ne smatra računskom greškom, odnosno ne može se ispravljati.“

Zbog navedenog nedostatka ponuda ponuđača „PRODOOR“ d.o.o. Sarajevo ocijenjena je kao nepravilna, jer nije u skladu s tenderskom dokumentacijom, u vezi sa članom 2 stav (1) tačka 1) alineja 3) Zakona o javnim nabavkama, te se kao takva odbacila.

Komisija je konstatovala da je ponuda ponuđača ponuđača „ARGON SISTEMI“ d.o.o. Sarajevo za javnu nabavku robe: „Nabavka i instalacija parking rampe“ u iznosu od 99.177,00 KM (cijena bez uračunatog PDV-a), odnosno u iznosu od 116.037,09 KM (cijena sa uračunatim PDV-om) ocijenjena kao prihvatljiva pa je predložila i Gradonačelniku prihvatanje ponude, a shodno članu 70. Zakona donošenje Odluke o izboru ponuđača „ARGON SISTEMI“ d.o.o. Sarajevo za predmetnu robu, te po ispunjenju uslova zaključenje ugovora u naprijed navedenom iznosu sa imenovanim ponuđačem.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.



Prilikom donošenja ove Odluke posebno su cijenjenje činjenice da je Komisija pravilno i potpuno izvršila ocjenu kvalifikovanosti ponuđača i ocjenu prispjele ponude izvršila u skladu sa kriterijima iz tenderske dokumentacije, Zakonom o javnim nabavkama i podzakonskim aktima.

Iz navedenih razloga, uzimajući u obzir i primjenjujući iznad istaknute članove pozitivne zakonske regulative iz oblasti javnih nabavki odlučeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

**GRADONAČELNIK**  
Adnan Bjelić

#### Dostavljeno:

1. Ponuđaču 2x,
2. Službi za prostorno uređenje i zaštitu okoliće
3. Evidenciji
4. Budžetu
5. Arhivi

